

# Lingua kiribatiana

Na Galipedia, a Wikipedia en galego.

O **kiribatiano**<sup>[1]</sup> (*kiribati* na propia lingua) é un idioma da familia austronesia.

Aproximadamente 105.000 persoas falan kiribatiano, das que 98.000 viven en Kiribati, un 97.2% da poboación. O resto dos falantes son habitantes de Nui (Tuvalu), Rabi (Fidxi), Mili (Illas Marshall) e algunhas outras illas onde existen colonias de antigos habitantes de Kiribati (Illas Salomón, Vanuatu, Nova Zelandia ou Hawaii).

Ao contrario que outros idiomas da rexión do Pacífico, o idioma non se atopa en perigo de extinción, e case todos os falantes utilízano a diario. Só o 30% dos falantes son completamente bilingües co inglés, polo que o kiribatiano non corre o risco de ser absorbido por este.

Pescadores, mariñeiros, granxeiros e xente involucrada na produción de copra conforman a maior parte de falantes desta lingua.

<b>Índice</b>
<b>Dialectos</b>
<b>Escritura</b>
<b>Alfabeto</b>
<b>Exemplos</b>
<b>Notas</b>

## Dialectos

O kiribatiano ten dous dialectos principais: o do norte e o do sur. A principal diferenza entre ambos está na pronuncia dalgunhas palabras. As illas de Butaritari e Makin tamén teñen o seu propio dialecto, que difire tanto en vocabulario como en pronuncia do kiribatiano estándar.

## Escritura

Para a escritura emprégase o alfabeto latino desde o século XIX, cando o misioneiro Hiram Bingham Jr. traduciu a Biblia. Anteriormente a linguaxe carecía de forma escrita. Unha das dificultades coas que se atopou Bingham ao traducir a Biblia foron referencias a palabras por exemplo montaña, un fenómeno

	<b>Kiribatiano</b> <i>Taetae ni Kiribati</i>
Falado en:	<u>Kiribati</u> , <u>Fidxi</u> , <u>Illas Marshall</u> , <u>Nauru</u> , <u>Illas Salomón</u> , <u>Tuvalu</u> e <u>Vanuatu</u>
Rexións:	<u>Polinesia</u>
Total de falantes:	105 000
Familia:	<u>Austronesia</u> <u>Malaio-polinesias</u> <b>Kiribatiano</b>
	<b>Códigos de lingua</b>
ISO 639-1:	--
ISO 639-2:	gil
ISO 639-3:	gil ( <u>http://www.sil.org/iso639-3/documentation.asp?id=gil</u> )

xeográfico descoñecido para os habitantes de Kiribati daquela época e do que só oíran falar en lendas samoanas.

## Alfabeto

---

Alfabeto kiribatiano

A	B	E	I	K	M	N	NG	Ou	R	T	Ou	W
ah	bee	eh	i	ki	mm	nn	ngg	oh	ri	se	ú	wi

## Exemplos

---

- Ola - Mauri
- Ola [singular]- Ko na mauri
- Ola [plural] - Kam na mauri
- Como estás? - Ko uara?
- Como estades? - Kam uara?
- Grazas - Ko rabwa
- Grazas [a varias persoas] - Kam rabwa
- Adeus - Ti a bo (*verémonos*)

## Notas

---

1. Definicións no *Diccionario da Real Academia Galega* (<http://academia.gal/diccionario/-/termo/busca/kiribatiano>) e no *Portal das Palabras* (<http://portaldaspalabras.gal/diccionario/procura/kiribatiano>) para *kiribatiano*.

---

Traído desde "[https://gl.wikipedia.org/w/index.php?title=Lingua\\_kiribatiana&oldid=5311824](https://gl.wikipedia.org/w/index.php?title=Lingua_kiribatiana&oldid=5311824)"

---

A última edición desta páxina foi o 19 de novembro de 2019 ás 08:57.

Todo o texto está dispoñible baixo a licenza [Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.